

## **Ethica Amoris, Sive Theologia Sanctorum, Magni Præsertim Augustini, Et Thomæ Aquinatis**

Circa Universam Amoris & Morum Doctrinam, Adversus Novitias Opiniones  
Strenuè propugnata, Et In Materiis Principaliter Hodie Controversis  
Fundamentaliter discussa

De Externis Regulis Amoris Et Morum, Legibus Utique, ac Praeceptis  
Virtutum Theologicarum, & Cardinalium, necnon Decalogi & Ecclesiae -  
Libros Vndecim Complectens

**Henricus, de Sancto Ignatio  
Leodii, 1709**

Caput V. Leges humanæ in singulis Provinciis, utplurimùm non obligant,  
nisi in iis solemniter promulgatæ.

---

[urn:nbn:de:hbz:466:1-73203](#)

contraria esse divinæ, obediendum esset Deo magis quam hominibus, ut Princeps Apostolorum dixit Act. 5. Et rationem dat S. Thomas 2. 2. q. 69. a. 13. ad 1. quia potestati inferiori in tantum aliquis subjici debet, in quantum superioris ordinem servat: à quo si exorbitaverit, ei subjici non potest.

## CAPUT V.

*Leges humanæ, in singulis Provinciis, ut plurim non obligant, nisi in iis somnis promulgatae.*

**27** Cōnsentient Doctores, legem humānam, regulariter loquendo, esse debere solemniter promulgatam, non singulis de Communitate, sed alicui determinatæ parti illius, ut obliget omnes, ad quorum notitiam devenerit, cap. ad hæc de postulat. Praefat. Sed non convenient de loco ubi fieri debeat solemnis promulgatio, an scilicet ad hoc ut lex Imperialis, vel Regia obliget omnes de Imperio, vel Regno, sufficiat promulgatio illius in Curia Imperatoris, vel Regis? an verò necessaria sit promulgatio in singulis Provinciis? Similiter an lex Pontificia in singulis Provinciis promulgari debat? an verò sufficiat promulgatio illius in Curia Romana?

Ad hoc respondeo 1°. cum communis ex natura rei, necessariam non esse promulgationem in singulis Provinciis, sed sufficienter promulgationem in Curia Pontificis, Imperatoris, Regis, &c. si sic Pontifex, Imperator, Rex velit; dummodo concedat tempus sufficientis ad hoc ut lex devenire possit ad notitiam Provinciarum. Quia legis natura, & definitio non determinat loca, in quibus facienda sit promulgatio legis, sed solum necessitatem promulgationis, talis utique, quæ moraliter sufficiat ad hoc ut lex in notitiam subditorum omnium, vel majoris partis, humano modo pervenire queat. Nec dubium, quin Pontifex, post promulgationem in Romana Curia, legibus suis obligare possit omnes Provincias Ecclesiæ, etiam remotas: cùm illimitatam quoad hoc potestatem a Christo acceperit, *quacumque ligaverit*, &c. eamque ipsi potestatem in se agnoscant, dum nonnunquam declarant, se velle obligare omnes ubique fideles, post solam Romanam promulgationem. Ut nuper se velle declaravit Alexander VII. quoad executionem Decreti sui de die 5. Maii 1667. vetantis notati alterutram sententiam, circa sufficientiam attritionis. Similiter Pius V. Constitutionem suam, contra Clericos male promotos, voluit obligare ubique, post promulgationem Romæ factam. Idem voluit Clemens VIII. de sua Constitutione contra non Presbyteros, Missam celebrantes, &c.

**28** Respondeo 2°. leges Imperiales de facto non obligare in singulis Provinciis, nisi post

duos menses à promulgatione facta in Metropoli singularum. Sic enim declaratur in Authentica ut faœla nove Constitutiones de nov. oper. nuntiat. In qua Authentica licet sermo expressè non fiat, nisi de Constitutib; testamentorum: rubrica tamen illius generalis est, unanimique Juristarum sensu censetur habere vim textū, & ab Authoritate juris esse posita. Ratio quoque, quam ibi Imperator exprimit ( haec utique: *cur enim culpabimus eos qui posthas nostras ignoravimus Constitutiones ... si, eò quod non fuerint sufficienter proposita, ignorentur* ) generalis est, & communis Imperii consuetudo generaliter eam interpretatur; sicut & Pius IV. in Bulla sua super declaratione temporis, quo Concilium Tridentinum foret observandum, ubi sic: *Fure communi sanctum est, ut Constitutiones nova ( generaliter loquitur ) non nisi post certum tempus obligent, &c. Quod nullibi sanctum invenitur, nisi in illa Authentica.*

Respondeo 3°. in omnibus etiam regnis, 29 nominatim Hispaniae & Gallie, praxis communis est, quod Regia Edicta & Constitutiones mittantur ad singulos Supremos Parliamentorum Senatus, indeque distribuantur per inferiores Curias ad infima quæque tribunalia, atque in eorum singulis promulgantur intra tempus à supra Curia prefixum. Et idem ante ejusmodi promulgationem, illis non tenentur incolæ locorum, in quibus Edicta non sunt taliter promulgata. Ita de Gallia, post Petrum de Marca, restatus noster Irenæus à S. Jacobo in tract. de legib. fecit. 1. §. 4. in fine. Idem in Belgio nostro quotidie videmus practicari. Denique Cabassetius in sua Juris Canonici Theoria & Praxi l. 1. c. 4. *In omnibus ( inquit ) secularibus regnis receptum videmus, ut in remotis Provinciis leges nominem adstringant, nisi ex quo in eisdem publicate fuerint.*

Respondeo 4°. quoad leges Pontificias, 30 duas hac de re celebres esse sententias. Una censet ejusmodi leges ubique obligare post promulgationem Romæ factam, nisi Pontifex aliud significet. Sic tenent Doctores Itali passim, favetque Stylus, & praxis Romanæ Curia, in qua Christiani Orbis negotia deciduntur secundum leges ibi promulgatas.

Sed probabilior videtur altera sententia: Pontificias utique leges in singulis Provinciis, aut Diocesis, promulgandas esse: ut in illis obligent, nisi Pontifex expressè declarat, obligare se velle omnes ubique fideles, post Romanam promulgationem. Ita Panormitanus in cap. cognoscentes de Conf. Cajetanus in l. 2. q. 90. a. 4. Dominicus Soto l. 1. de justit. & jure q. 2. a. 4. Nicolaus Serarius disput. de Leg. n. 56. & seq. & omnes ferè Doctores Hispani, Galli, Germani.

## Amor Legibus obtemperans.

7

31 Et probatur 1°. quia ex una parte sententia nostra in nullo Pontificiae præjudicat authoritati : cum Pontificiis legibus , post Romanam promulgationem , non neget esse parendum , dum Pontifex id se velle declarat. Ex alia parte valde rationabiliter asseritur , leges etiam Pontificias , ita promulgandas esse , ut facile pervenire possint in notitiam omnium quibus late sunt. At vero facile pervenire non possunt in notitiam omnium , &c , nisi sint in Provinciis promulgatae. Et ideo communis est Ecclesiæ usus , ut suæ leges Provincias non adstringant , nisi post promulgationem in illis. Talis imprimis esse solet intentio Conciliorum , etiam Oecumenicorum , uti constat ex Lateranensi sub Innocentio III. cap. cùm in firmatas extra de penit. & remiss. ibi : *Siquis medicorum huiusmodi nostra Constitutionis , postquam per Prelatos locorum fuerit publicata , transgressus exierit , ab Ecclesia ingressus arceatur. Necnon ex Tridentino scil. 24. c. 1. statuente ut Decretum suum , matrimonia irritans clandestina , solum obliget post lapsam triginta dierum à promulgatione , singulis in Provinciis facta. Petrus de Marca in Concord. Sacerd. & Imper. l. 2 cap. 15. idem constare dicit ex antiquioribus Conciliis , Nicæno , Sardicensi , Ephesino , Arelatenf. I. in epist. ad Sylvestrum Papam , ibi : Placuit autem .... à Te , qui majores Dioceses tenes , per te potissimum omnibus insinuari Canones istius Concilii.*

32 Secundò , talis etiam esse solet usus & sensus Summorum Pontificum , uti constat ex Siricio epist. ad Himerium , Episcopum Tarragonensem , ubi Decretalem suam jubet in quinque Hispaniae , aliisque vicinis Provinciis promulgari. Necnon ex Innocentio epist. ad Episcopum Tholofanum. Zosimo epist. ad Episcopum Arelat. Leone ad Nicetam. Leone X. in Concordatis inter ipsum & Franciscum I. Francorum Regem verbo recepta. Et tit. de collat. §. præfatique Ordinarii. Ac rursus ex Constitutione Alexandri VII. sollicitudo omnium Ecclesiæ , ubi jubet eam in Diocesibus promulgari. Denique ex eo quod epistola Siricii , de continentia Diaconorum , vim legis olim in Gallia non habuerit : quia ibi non promulgata , ut liquet ex epistola 3. Innocentii I. Similiter epistola 84. Leonis Magni , de continentia Subdiaconorum , in Sicilia , tempore Gregorii Magni , vim legis nondum habebat , ob eandem rationem.

33 Nec refert quod Nicolaus I. Can. quod dicitur dist. 16. repellit excusationem Constantiopolitanorum , qui , contra Canones Concilii Sardicensis , Photium ad Sedem Patriarchalem promoverant , de coequo reprehensi , prætexebant se Canonibus illis non teneri , eò quod Graeci essent ignoti. Neque enim repellit eam , allegando necessarium non esse per Provincias Orientis

promulgationem , sed excusationis falsitatem demonstrando ex ipsomet Codice Canonum , quo Graeci in dies uterentur , necnon ex eo quod Concilium istud apud ipsos , in Regionibus ipsorum actum fuisset , & ab omni Ecclesia receptum.

Tertiò , idipsum probatur ex cap. 1. de nov. oper. nuntiat. ubi dicitur , quod Jus Civile servari ab Ecclesia soleat , ubi aliter Ecclesia non statuit : *Sicut leges non ddnuntur satros Canones imitari ; ita & sacrorum Canonum statuta Principum Constitutionibus adjuvantur. Sed secundum Jus Civile lex non obligat Provinciales , nisi promulgata sit in Provinciis , nec ullibi Ecclesia aliter de legibus Ecclesiasticis statuit. Ergo.*

Quarto , ex eo quod Ecclesiæ (utpote bonæ Matris) intentio in dubio benignè interpretanda sit ; ideoque dum satis non constat de intentione Ecclesiæ , circa obligationem legum Ecclesiasticarum , ea interpretatio preferenda sit , quæ maius habet fundamentum in suavitate & benignitate Ecclesiastici regiminis , juxta regulam illam Juris , In obscuris benignor interpretatio facienda est. Sed asserta à nobis interpretatio mentis Ecclesiæ , seu Summorum Pontificum , maius habet fundamentum in suavitate & benignitate Ecclesiastici regiminis , quam opportita : suavitas quippe illa & benignitas potissimum relucere debet in attemperatione legum Ecclesiasticarum ad humanum , suavemque modum , quem quoad hoc servant ipsæmet leges Civiles , nisi magna aliqua ratio aliud quandoque suadeat , uti suadet v.g. casu quo Summus Pontifex prævideret , promulgationem in Provinciis per infundatos Ministros Politicorum prætextus impediendam , prout non raro contingit. Tunc enim Provincias omnes legibus suis justissimè adstringere possunt , post solam Romanam promulgationem. Quod dum absolute declarant , parendum est ; etiam non obstantibus quibuscumque in contrarium consuetudinibus , si addant : non obstantibus quibuscumque consuetudinibus in contrarium. Quia nulla Provinciarum consuetudo limitare potest universitatē potestatis , quam Summo Pontifici Christus concessit , absolutè , & illimitatè dicendo : *Quodcumque ligaveris super terram , erit ligatum & in celis.*

Quinto denique , ex eo quod in Hispania , Gallia , Belgio , moribus utentium sit receptum , quod leges , etiam Pontificiae , ante promulgationem in Provinciis non obligent , saltem dum aliter non exprimunt. De Gallia testatur id Duvallius tract. de Rom. Pontif. p. 3. q. 7. §. deinde quamvis , usum illum roborans ex citato Concordato inter Leonem X. & Franciscum I. Idem de Belgio testatur liber , cui titulus , *Jus Belgarum circa Bullarum Pontificiarum receptionem* , ad id allegans vetustissimam Belgarum à 300 annis consuetudinem.

37 Quod si negotia Orbis Christiani in Romana Curia decidantur juxta leges ibi promulgatas: id partim fit quia Romani Judices contrariam sequuntur sententiam, cuius non negamus probabilitatem. Partim quia æquum est quod quis judicetur secundum leges promulgatas & receptas in loco, ubi lis contestatur. Partim quia sic præscribitur per regulas Cancellariae Romanae. Circa quas obserendum, quod regulæ illæ magis forum externum reficiant, quam internum, quodque pleraque judicia, secundum regulas illas Romæ facta, variis in Provinciis non recipiantur, ubi regulæ illæ non sunt usu receptæ.

38 Respondeo 5°. jure communi (quod moribus utentium in Provinciis est receptum, censeturque per hoc sufficienter promulgatum, quod in Academiis ex Cathedris prælegatur autoritate Principum, qui leges vel canones condiderunt) vitandos in omnibus Provinciis excommunicatos, tametsi excommunicationis sententia in tantum Dioecesi promulgata fuerit. Sic enim Ecclesia specialiter dispositus can. si quis 11. q. 3. & cap. 8. de offic. Judic. ordin.

39 Respondeo 6°. necessariam non esse in Provinciis promulgationem Decretorum ad fidem & mores pertinentium; sed omnes ubique fideles iis teneri statim atque ad eorum notitiam sufficienter devenerint. Neque enim fidei & morum Decreta humani sunt juris, sed divini. Nec proinde vim obligandi immediate habent ab hominibus, sed a Deo, infallibilique Dei autoritate mituntur, in cuius obsequium omnes ubique fideles captivare debent intellectum, statim atque de ea sufficienter constat per Ecclesia propositionem.

40 Respondeo 7°. necessariam etiam non esse in Provinciis promulgationem legum Pontificiarum, quæ non condunt jus novum, sed solum declarant antiquum, in illis sufficienter promulgatum. Ita Nicolaus Garcia in prefat. ad tract. de benefic. ante medium: Salgado in tract. de supplicat. ad Sanctiss. p. 2. c. 2. n. 11. & cum aliis multis Thomas Hurtadus to. 1. Moral. 1. 3. resol. 45. n. 292. & l. 1. resolut. regular. resol. 2. n. 272. & 273. Et hanc communem esse Canonistarum sententiam ostendit Fagnanus ad cap. 1. quoniam de Constitut. n. 43.

41 Et probatur 1°. ex leg. fin. Cod. de legib. ubi legis solemniter promulgatae sequenda dicitur interpretatio, seu declaratio à Legislatorе facta sine solemnitate.

42 2°. ex leg. adeò §. cùm quis ff. de acquir. rer. domin. & L. heredes 21. §. 1°. ff. de testam. ubi, in dubio, sequenda dicitur interpretatio testamenti solemnis à testatore sine solemnitate facta, ob rationem in casu nostro pariter militantem: ni-

bil enim nunc dat, sed datum significat. At qui similiter in casu nostro Legislator nihil nunc de novo statuit, sed statutum significat. Nam, ut optimè Salgado n. 15. prioris legis declaratio nihil novi dat, nec obligationem novam inducit, nec dispositionem facit diversam à priori, sed solum declarat quid per priorem legem dispositum sit.

Perinde verò est, sive Legislator declarationem illam per se immediatè faciat, siue per alium ab ipso commissum, cum potestate faciendi declarations definitivas, seu decisivas, prout v. g. S. Congregatio Cardinalium, Concilii Tridentini Interpretum, à Papa habet potestatem definitivè decidendi dubia circa ejusdem Concilii intelligentiam emergentia. Declaratio quippe facta ex commissione Principi, per alium ad id ab ipso deputatum, eandem vim habet, ac si ab ipso Principe facta fuisset, secundum hanc regulam juris in 6. quod per alium facimus, per nos facere censemur. Et sic S. Congregatio apud Zerolam in praxi Episcop. 1. p. verbo *authoritas* sub finem declaravit his verbis: *Eadem ratio habenda est de his quae scribuntur à Cardinalibus S. Congregationis Concilii Tridentini, ac si à Papa scripta essent.* Idem ille penè verbis eadem S. Congregatio Abbatissæ cuidam Messanensi respondit a-pud Garciam ubi supra.

Unde patet 1°. declarations Concilii 44 Tridentini, ab eadem Congregatione factas, non esse merè doctrinales, prout sunt interpretationes Doctorum, & Jurisperitorum; sed perinde definitivas, ac si Papales essent; utpote factas ex commissione Papæ, per personas ad id à Papa authorizatas, uti confat ex Bulla Sixti V. septima in 2. p. Bullarii fui, ubi Congregationi illi facultatem tribuit authoritatè, seu definitivè decidendi dubia, circa Concilii Tridentini mentem exurgentia. Nec verò dubium est, Principem Senatus suo tribuere posse hanc authoritatem: cùm ei tribuere possit authoritatem leges condendi *L. humanum* Cod. de legib. Quare ipsis Congregationis declarationibus standum, ac si à principio ab ipso Concilii Tridentino dispositæ fuissent, ait Salgado n. 11. citato. Videri potest Fagnanus ad cap. quoniam de Constitut. ubi decem argumentis demonstrat, S. Congregationis declarations vim legis obtinere.

Et hinc patet 2°. Regulares non magis 45 uti posse privilegiis, quæ dicta S. Congregatio declaravit sublata, sive per Concilium Tridentinum, sive per Summorum Pontificum Bullas solemniter in Provinciis promulgatas, quā si Concilium ipsum Tridentinum, vel Summi illi Pontifices idipsum declararent; sive declarations illæ S. Congregationis sint solemniter in Provinciis promulgatae, sive non sint. Neque enim solemnis ejusmodi declarationum promulgatio requiritur, sed sufficit solemnis promulgatio.

gatio Concilii, vel Bullarum per eas declaratarum, ut vidimus.

<sup>46</sup> Idem dicendum de Sedis Apostolice Decretis, quibus nonnullæ propositiones, jus divinum, vel naturale concernentes, practicari, vel doceri prohibentur. Cum jus istud sufficienter promulgatum sit. Ejusmodi proinde Decretis parendum est, non expectata eorum in Provinciis promulgatione, uti constat ex præmissis, & optimè docet noster Lumbierius observat. 2. ad propositiones ab Innocentio XI. damnatas, ubi ait, ejusmodi Decreta, ut hic obligent, & ex iis teneamus damnatas propositiones, ut improbables, scandalosæ, & nocivas fugere, non egere promulgatione hic factâ. Et ratio (inquit) est manifesta: quisque enim stricte teneat fugere, quod morali certitudine scit esse venenum, quocumque modo id sciat. Et si caverre debeamus ab herba, quam sapientissimus Medicus pro certo affirmavit mortiferam; multò magis à doctrina, quam Christi Vicarius mortiferam, venenosamque declaravit. Denique sicut prodigus esset salutis suæ corporalis, qui dictam herbam comedederet; sic prodigus esset aeternæ salutis suæ, qui à tali doctrina non caveret.

## C A P U T VI.

Facta debitâ promulgatione legis ecclesiastica, vis ipsius à populi acceptatione non pendas; ideoque peccat populus, absque justa causa eam non acceptans. Censetur tamen Ecclesia in ejus suspensionem, vel revocationem consentire, si invalescente contrario nisu, id sciens, observantiam non urgeat.

<sup>47</sup> Quid carum vis à populi acceptatione non pendas, adeo certum existimat Suarez I. 4. de legib. c. 10. ut falso fide negari non possit. Idem censet Maclerus de Eccles. Monarch. p. 2. l. 4. c. 3. Et Facultas Parisiensis anno 1521. hanc Lutheri propositionem: *Neque Papa, neque Episcopus, neque ullus dominum habens unius syllaba super Christianum hominem, nisi id fiat ejusdem assensu, & quidquid alter sit, tyrannico spiritu sit, hac centurâ perstrinxit: Hac proposicio est à debita subditorum erga Prelatos & Superioros subjectione & obedientia retractiva, legem positivarum seditione destruktiva, & in fide & moribus erronea, & est error damnatus Valdenses, cum errore Arrianorum conveniens. Merito quidem, quia Apostolica Sedis judiciis & Constitutionibus obviare, planè est heretica pravitatis. Ivo Carnotensis epist. 8. Et solus infidelis, aut schismaticus, Apostolicis detrectat obedire mandatis. S. Thomas Cantuariensis epist. 122. ad Gilbertum Episc.* London.

<sup>48</sup> Enimvero Christus Vicario suo autoritatem dedit ad gubernandum, & præcipiendum, camque illimitatam, sive independen-

tem à contencu subditorum, dum illimitatè dixit: *Pasce oves meas, Luc. 10. Quodcumque ligaveris super terram, erit ligatum & in celis. Ergo subditis obligationem imposuit ad obediendum. Videri potest Fagnanus in cap. trengas de treuga & pace, ubi quæstionem hanc fusè prosequitur. Nec certè Ecclesiæ Principes minori ad obligandum populos autoritate pollent, quam Principes sacerduli, quorum potestas in sacris oraculis universalioribus, vel illimitatiорibus terminis non exprimitur, quam potestas Principum Ecclesiasticorum. Leges vero Principum sacerduli (ut optimè Facultas Theologica Duacensis anno 1636. consultâ super remonetaria, cumque ea Sylvius l. 1. resolutioni verbo moneta) statim atque satis promulgatae sunt, vel statim à prefijo obligationis tempore, observari debent, nullâ expectata populi acceptatione, puniuntur que ut transgressores, qui secus faciunt. Neque enim gladium Principibus & Magistratibus Deus hac lege porrexit, ut eo solùm uterentur, cum leges ipsorum a populis acceptarentur. Alias gladius & potestas ipsorum plerumque inefficax fieret, vel certè minoris virtutis, quam subditorum potestas ad recusandum. Nec absolute verum esset, quod Apostolus absolute dixit: Qui autem resistunt, ipsi sibi damnationem acquirunt. Ideoque Alexander VII. justissime propositionem hanc proscriptit: Populus non peccat, etiam si absque justa causa non recipiat legem à Principe promulgatam.*

Quod autem invalescente non acceptatione, Principis id scientis, nec observantiam urgentis, consensu lex censetur suspendi, vel revocari, ratio est, tum quia, qui ceterum consentire videtur, tum quia lex, in ipsis circumstantiis, non expedit Reipublicæ bono, utpote taliter dispositæ, quod Princeps non possit ab illo turbatione transgressores punire. Prudentia vero Principis non censetur velle continuationem legis, pro illis circumstantiis, in quibus non expedit Reipublicæ bono. Et hoc est quod sibi vult lex de quibus ff. de legibus, dum ait: *Leges nulla alia de causa nos ligant, quam quod iudicio populi receptæ sint.* Neque enim id intelligit de prima obligatione, sed de firma & perseveranti. De qua in canone in ipsis dist.

<sup>49</sup> 4. Leges instituantur cum promulgantur (tunc ergo verae & obligatoriae sunt) firmantur (id est firmam obligationem inducunt) cum moribus uterum comprobantur. Cæterum qui primi sunt authores non acceptationis, qui que sine causa primi non acceptant, gravior peccant, utpote graviter impingentes in illud Rom. 13. *Omnis anima potestibus sublimioribus subdita sit.*

Dixi sine causa. Si enim justa sit causa suspicandi, vel etiam credendi, legem à Principe latam esse ex mala informatione, seu falsa aliqua suggestione, populus, & qui po-